


TEZAU LITURGIC
15 DECEMBRIE

ACATISTUL
SF. IERARH-MUCENIC
ILARION
TROIȚKI,
ARHIEPISCOPUL
VEREISKULUI



MOSCOVA, 2000



Акафист священномученику Илариону, архиепископу Верейскому

Кондак 1

Избранный воине Христов и свидетелю
верный, едину Святую, Соборную и
Апостольскую Церковь во спасение всех
исповедавый, за нюже пострадади даже до
смерти изволил еси, и ныне в Церкви
торжествующей прославляемый, поминай нас,
любовию ти взывающих: Радуйся, Иларионе,
Церкве Русския славо и украшение.

Икос 1

Ангела земнаго и человека небснаго зрим тя,
святителю Иларионе, чистоту душевную измлада
соблюдшаго и подвигом духовным дар благодати
стяжавшаго, темже ныне скорую помощь всем
подаеши, в молитвах тако ты призывающим:

Радуйся, благочестия родителева наследниче;
радуйся, Церкви Христовы избранное чадо.

Радуйся, от младенства учению прилежавый;
радуйся, истины Божественныя умом и
сердцем зыскавый.

Радуйся, школу духовную, яко мать и
питательницу, возлюбивый;

ра́дуйся, твёрдою пи́щею богослóвия
воспита́нный.

Ра́дуйся, под кро́вом моли́тв преподо́бнаго
Сéргия ве́рою укрепивы́йся;

ра́дуйся, на брань духо́вную с
миродержителем тьмы ве́ка сего́ изше́дый.

Ра́дуйся, Илариóне, Цéркве Ру́сския сла́во и
украше́ние.

Кондак 2

Ви́дя ме́сто патриарше́е прáздно су́ще в
вели́цей цéркви Успе́нской, рыда́л еси́ се́рдцем
го́рце, Илариóне, и к лю́дем ру́ским взыва́л еси́:
Доко́ле пла́кати има́ть земля́? Избра́нну же
бы́вшу Патриарху́ Освяще́нным Собóром, лику́я
воспе́л еси́ Бо́гу побéдную пе́снь: Аллилу́иа.

Икос 2

Ра́зумом богопросвеще́нным прорéкл еси́
Патриарху́ не ца́рский вене́ц восхитити, но
му́ченическим венце́м украси́тися, по вся бо дни
умира́ти има́ть за Цéрквь Христо́ву. Сим
крéстным путе́м и ты, Илариóне,
Первосвя́тителю́ сше́ствовал еси́, те́мже вси
восхваля́ем тя си́це:

Ра́дуйся, догма́тов и канóнов цeрков́ных
ревни́телю;

ра́дуйся, о Цéркви Ру́сской те́плый
моли́твенниче.

Ра́дуйся, поруга́ния сла́вы церко́вныя ви́дети
не терпе́вый;

ра́дуйся, сло́вом огненосным сердца́ ве́рных
воспламени́вый.

Ра́дуйся, во избра́нии Патриа́рха исполне́ние
ча́яний церко́вных узре́вый;

ра́дуйся, Первосвя́тителю в труде́х и
попече́ниях о Це́ркви сподвиза́выйся.

Ра́дуйся, крест служе́ния архиере́йскаго во
дни гоне́ний восприе́мый;

ра́дуйся, на ка́мени ве́ры стопы́ твоя
утверди́вый.

Ра́дуйся, Иларио́не, Це́ркве Ру́сския сла́во и
украше́ние.

Кондак 3

Си́лою Вы́шняго укрепля́емь, Иларио́не,
подъя́л еси́ по́двиг служе́ния архиере́йскаго,
всем быв вся, и всем себе́ порабо́тив, утеша́я,
наставля́я и облича́я, Бо́гу же вы́ну поя́:
Аллилу́иа.

Икос 3

Имьй ре́вность по Бо́зе и ве́лие дерзнове́ние,
свя́тителю Иларио́не, отсту́пники отгна́л еси́ от
оби́тели Сре́тенския, к пока́нию тех призыва́я и
ча́да церко́вная во благо́честии утвержда́я,
те́мже приими́ от нас похва́лы сия́:

Ра́дуйся, враги́ твоя́ и гони́тели любо́вию покрыва́яй;

ра́дуйся, враги́ церко́вныя о́гненными словесы́ опаля́яй.

Ра́дуйся, хитросплетéния лжепа́стырей расторгáяй;

ра́дуйся, в вéрности Патриáрху коле́блемых утвержда́яй.

Ра́дуйся, мно́ги отступники́ к пока́нию обративы́й;

ра́дуйся, любо́вию к Це́ркви вéрных сердца́ исполнивы́й.

Ра́дуйся, лука́выя совопрóсники вéка сего́ посрамивы́й;

ра́дуйся, за и́стину церко́вную страда́ти изволивы́й.

Ра́дуйся, Илариóне, Це́ркве Ру́сския сла́во и украше́ние.

Кондак 4

Бу́рею зло́бы смуща́еми гони́тели Це́ркве, у́зы и темни́цы ти угото́ваша, тща́щеся свет испове́дания твоего́ сокры́ти, Илариóне, ты же, и власть богобо́рную я́ко попуще́ние за грехи́ от Бо́га приéмля, о́ всем прославля́л еси́ Промы́слителя́ всех, поя́: Аллилу́иа.

Икос 4

Слы́ша стра́шныя вѣсти о гонѣннх лю́тых, не поколеба́лся еси́ душо́ю, Иларио́не сла́вне, но па́че укрепил́ся еси́ ве́рою в Це́рковь Христо́ву, я́ко багрянице́ю и ви́ссом, кро́вьми но́вых му́ченик украша́ему. Тя же, я́ко едина́го от ни́х, священномучени́че, ублажа́ем, воспева́юще ти сицева́я:

Ра́дуйся, омофо́р святительский в день священномучени́ка Ермоге́на прие́мый;
ра́дуйся, служе́ние архипа́стырское страданием запечатле́вый.

Ра́дуйся, узы, темни́цы и го́рькия рабо́ты за Христа́ претерпе́вый;
ра́дуйся, благоду́шием и терпѣ́нием в ско́рбех сих украше́нный.

Ра́дуйся, нестяжа́ния и крото́сти о́бразе;
ра́дуйся, о гоня́щих и оби́дящих тя моли́твенниче.

Ра́дуйся, богосло́ве, ры́барския мре́жи не возгнуша́выйся;
ра́дуйся, уму́ преизя́щному апо́стольскую простоту́ сочета́вый.

Ра́дуйся, Иларио́не, Це́ркве Ру́сския сла́во и украше́ние.

Кондак 5

Боготе́чная звезда́ яви́лся еси́, Иларио́не, во у́зах солове́цких стра́ждущим лю́те, имже смерть

предстояше на всяк час, тьму бо злобы сатанинския светом любви просветил еси, уныние и страх отгоняя, соузники же твоя научил еси во скорбех хвалити Бога: Аллилуиа.

Икос 5

Видяще начальницы и приставницы во узилищи мужество и доброту души твоея, Иларионе чудне, дерзость обычную отлагаху и яко архиерея Божия ты почитаху, мы же ты яко святителя и мученика сице восхваляем:

Радуйся, простотою и кротостию вся к себе привлекай;

радуйся, любовью твоею всякую душу возвеселяй.

Радуйся, тщеславнаго духа фарисейскаго обличителю;

радуйся, лицемерия и лжи искоренителю.

Радуйся, образ Божий нетленный в человецех прозреваяй;

радуйся, и самых отчаянных грешников не отменяй.

Радуйся, благодушием твоим страдальцы утешаяй;

радуйся, словом веры малодушныя возставляй.

Радуйся, Иларионе, Церкви Русския славо и украшение.

Кондак 6

Проповѣдник и свидѣтель явился еси истины глагола Христова, яко врата адова не одолеют Церкви, вся бо суетная коварства князей богоборных, Иларионе, явна соделал еси, просвещающему и укрепляющему тя Богу зывая: Аллилуиа.

Икос 6

Возсиял еси Церкви Русской, Иларионе, яко звезда путеводная, посреде смятений и расколов, от слуг сатанинских всеваемых, ты бо веру и правила церковная твердо храня, со предатели и отступники в совет не вшел еси, паче же страдати с людьми Божиими изволил еси, темже ты, священномучениче, похваляем:

Радуйся, лести богоборных не послушавый;
радуйся, хитросплетенныя козни тех разоривый.

Радуйся, истину церковную словом богомудрым проповедавый;

радуйся, страдальческим житием слово сие известовавый.

Радуйся, архипастырей и пастырей во узилищи укреплявый;

радуйся, от раскола церковнаго смущенных ограждавый.

Радуйся, к единению с Церковию вся призывавый;

ра́дуйся, нѣмо́щи со́бра́тий до́лготерпѣ́ти
уве́щава́ый.

Ра́дуйся, Иларио́не, Це́ркве Ру́сския сла́во и
украше́ние.

Кондак 7

Хотя́щу ти Це́ркви Христо́ве послужи́ти,
Иларио́не, прѣ́ят Чело́веколю́бец Госпо́дь
страда́льческое твоѐ житиѐ́ я́ко же́ртву
благору́чанну, ходата́я и моли́твенника ты ве́рным
дарова́в, пою́щим Ему́: Аллилу́иа.

Икос 7

Но́вым страстоте́рпцем Це́ркве Ру́сския
сочета́лся еси́, Иларио́не досто́блаже́нне, егда́ во
враче́бнице Петро́ва гра́да тяжко́ боля́й, ду́шу
твою́ в ру́це Христу́ пре́дал еси́. Ве́рнии же
многострада́льное те́ло твоѐ погребо́ша со
пла́чем, надгробны́я пѣ́сни ти воспева́юще:

Ра́дуйся, от уз и заточе́ния сме́ртию
разрешѣ́ыйся;

ра́дуйся, свобо́ду сла́вы ча́д Бо́жиих
улучѣ́ый.

Ра́дуйся, на земли́ не о себѣ́, но о Це́ркви
Ру́сской скорбе́ый;

ра́дуйся, на Небеси́ о благостоя́нии ея́
прѣ́сный ходата́ю.

Ра́дуйся, верными́ с любовью́ провождае́ый;

ра́дуйся, А́нгельскими ли́ки во сла́ве
срета́емый.

Ра́дуйся, блаже́нств Ева́нгельских
соприча́стниче;

ра́дуйся, я́ко мзда твоя́ мно́га на Небесе́х.

Ра́дуйся, Иларио́не, Це́ркве Ру́ския сла́во и
украше́ние.

Кондак 8

Стра́нник и пришле́ц был еси́ на земли́,
Небе́снаго Ца́рства взыску́я, о́браз того́ и
явлéние Це́рковь святу́ю в ми́ре сем испове́дуя,
и та́йну спасéния богодвѣ́жным умомъ испыту́я,
богословствовал и хвалил еси́ Бо́га о сем:
Аллилу́иа.

Икос 8

Всем се́рдцем и всем умомъ твоимъ Христа́
возлюбив, Иларио́не блаже́нне, от то́ржища
ми́ра к Трапéзе Господни люди́ ру́ския
призыва́л еси́, сего́ ра́ди с весéлием вопи́ем ти:

Ра́дуйся, Ева́нгелия Христо́ва пропове́дниче;

ра́дуйся, апо́стольских преданий хранителю.

Ра́дуйся, учéний еретических обли́чителю;

ра́дуйся, писаний отéческих сказа́телю.

Ра́дуйся, Христа́ краеуго́льна Ка́меня Це́ркве
исповеда́вый;

ра́дуйся, на Ка́мени сем упова́ние твоё
утверди́вый.

Ра́дуйся, умы́ любому́дрья сло́вом и́стины
просвеща́яй;

ра́дуйся, сердца́ проста́я тепло́ю любве́
возгрева́яй.

Ра́дуйся, Иларио́не, Це́ркве Ру́ския сла́во и
украше́ние.

Кондак 9

Все естество́ А́нгельское ра́дости испо́лнися,
Иларио́не великоимените́, восходя́щу ти от
земных к Небе́сным, ты бо, я́ко но́вая звезда́, на
тве́рди церко́вней возсия́л еси́ ве́рным, пою́щим
о тебе́ Бо́гу: Аллилу́иа.

Икос 9

Ветийству́яй умолка́ет язы́к пред та́йною
твоего́ за Христа́ страда́ния, мно́гими бо
дарова́ньми почте́нный, всебога́те Иларио́не,
ничто́же от них пощаде́л еси́, сме́рти Христо́ве
сообразу́яся и науча́я нас воспева́ти тебе
тако́вая:

Ра́дуйся, кре́пость телесную́ во у́зах
исто́щивый;

ра́дуйся, кре́пость духо́вную в терпе́нии
стяжа́вый.

Ра́дуйся, бы́строту́ ума́ послуша́нием Бо́гу
связа́вый;

ра́дуйся, благода́рением в ско́рбех Йо́ву
подража́вый.

Ра́дуйся, я́ко ри́зы златы́я на ру́бище
премени́л еси́;

ра́дуйся, я́ко оде́ждою весе́лия ны́не обле́кся
еси́.

Ра́дуйся, престо́ла церко́внаго нево́лею зде
отлуче́нный;

ра́дуйся, Престо́лу Сла́вы ны́не предсто́яй,
я́ко муж соверше́нный.

Ра́дуйся, Иларио́не, Це́ркве Ру́сския сла́во и
украше́ние.

Кондак 10

Спасти́ хотя́ ду́шу свою́, плóти, ми́ру и
диаво́лу не порабо́тился еси́, Иларио́не,
блаже́нне, но, я́ко злато́ в горни́ле, скорбьми́
мно́гими искуша́емь, терпе́нием разу́м соверше́н
стяжа́л еси́, ра́дуясь о Бо́зе и поя́ Ему́: Аллилу́иа.

Икос 10

Стена́ и утвержде́ние Це́ркви Ру́сской во дни
безбо́жных гоне́ний яви́лся еси́, Иларио́не
святите́лю, те́мже и нас, в мо́ри жите́йстем
обурева́емых, от лжеуче́ний и собла́знов изба́ви,
вопию́щих ти с любви́ю тако́вая:

Ра́дуйся, от ю́ности твоея́ Це́рковь я́ко Ма́терь
спаса́емых возлюбивы́й;

ра́дуйся, сло́вом и моли́твою мно́гия в ло́но ея́
возврати́вый.

Ра́дуйся, плоть твою́ воздержаниемъ дѹху
покоривый;
ра́дуйся, умъ твой учениемъ церковнымъ
уцеломудривый.

Ра́дуйся, благочестия цвѣте нетлѣнный;
ра́дуйся, исповѣдания плодъ приносяй.

Ра́дуйся, святителейъ русскихъ удобрение;
ра́дуйся, новомучениковъ честная похвало́.

Ра́дуйся, Иларионе, Цѣркве Русския славо и
украшение.

Кондак 11

Пѣние всеумилѣнное приносимъ ти, Иларионе,
отче нашъ, къ раце мощейъ твоихъ любовью
притекающе и молящеся: не остави отечества
твоего́ земнаго и обители твоея, но вся во
благочестии утверди, да выну зовѣмъ: Аллилуиа.

Икос 11

Светозарную звезду́ в нощи уныния сущимъ
видимъ тя, Иларионе небоявленне, ты бо светъ
невечерняя радости въ сердце нося, скорбный
мракъ разгоняеши, возвеселяя всехъ вопиющихъ ти:

Ра́дуйся, радости тезоименитый;

ра́дуйся, от младенства Богомъ избранный.

Ра́дуйся, Воскресения Христова истинный
свидѣтелю;

ра́дуйся, славы Царствия въ дольномъ мире
возвестителю.

Ра́дуйся, блаже́нную чистоту́ явля́яй;
ра́дуйся, ра́дости о Бо́же Спа́се па́дшия
науча́яй.

Ра́дуйся, я́ко жити́е тво́е при́сное е́сть Бо́гу
хва́ление;

ра́дуйся, я́ко сме́рть тво́я бы́сть Христу́
Воскресшему́ победно́е пе́ние.

Ра́дуйся, Иларио́не, Це́ркве Ру́сския сла́во и
украше́ние.

Кондак 12

Благода́ть от Бо́га прия́л еси́, Иларио́не,
неду́жныя исцеля́ти, ско́рбныя утеша́ти, па́дшия
возста́вляти, те́мже и мы, све́тло па́мять твою́
соверша́юще, благода́рно зове́м: Аллилу́иа.

Икос 12

Пою́ще по́двиг испове́дания твоего́,
восхваля́ем тя, святи́телю Иларио́не пресла́вне,
тече́ние бо непоро́чно сконча́в и ве́ру соблю́д,
пра́вды ве́нец прия́л еси́, те́мже Це́рковь Ру́сская
тобо́ю хва́лится, победно́я пе́сни ти
возсыла́ющи:

Ра́дуйся, во́ине Христов непобеди́мый;

ра́дуйся, сто́лпе Це́ркве несокруши́мый.

Ра́дуйся, за́поведей Ева́нгельских
исполни́телю;

ра́дуйся, ни́вы церко́вныя де́лателью и
храните́лю.

Ра́дуйся, цвѣте росси́йскаго лу́га духо́внаго;
ра́дуйся, пло́де красны́й се́яния
спаси́тельнаго.

Ра́дуйся, собо́ра но́вых му́чеников свѣтлая
звездó;
ра́дуйся, о земнѣм отѣ́чествѣ присны́й
моли́твенниче.

Ра́дуйся, Иларио́не, Це́рквѣ Ру́сскаго сла́во и
украше́ние.

Кондак 13

О, предивны́й священномучени́че Христо́в
Иларио́не, Це́рквѣ Ру́сскаго украше́ние, прими́
ны́не ма́лое моле́ние си́е наше, от тлетво́рных
соблазнов изба́ви нас, да от вѣ́чных мук
свобо́ждшеся твоими́ к Бо́гу моли́твами и
спасе́ние улучи́вше, воспоём с тобо́ю Святе́й
Тро́ице: Аллилу́иа.

Молитва

О, пресла́вный уго́дниче Бо́жий
священномучени́че Иларио́не, о́тче наш, ты во
дни мало́временнаго жити́я земна́го посреде́
гонений и скорбе́й мно́гих ве́ру сохрани́в, ду́ха
не угаси́л еси́ и ве́рныя научи́л еси́, како
подо́бае́т жити́ в Дому́ Бо́жии, иже е́сть Це́рковь
Бо́га Жи́ва, столп и утвержде́ние и́стины. Сего́
ра́ди к тебѣ припа́дающе мо́лимся: помози́ нам
твоими́ моли́твами догма́ты и кано́ны

церковныя твердо хранити, зрѣние согрешѣний своихъ духомъ смиреннымъ стяжати, всякаго человека яко нетлѣнный образъ Христовъ по глаголу Евангельскому возлюбити, ни единого же презирающе или отрѣвающе, но всемъ по силѣ служаще, и тако Господеви работающе, да сподобимся с тобою и со всеми новомученики Церкви Русския воспевати Святую Троицу во веки вековъ. Аминь.



**ПОЛНЬІЙ
АКАФИСТНИК
КАНОНИЧЕСКІЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

І

**НУЖЕ
НЕБО**